

23. oktober 2025

UKA2025/23+24

Uunga siunnersuut: aatsitassat pillugit ingerlatallu tamatumunnga pingaarutillit pillugit inatsisartut inatsisaata (aatsitassanut ikummatissanullu inatsit) allanngortinneqarnera pillugu Inatsisartut inatsisaat (Aatsitassanut Ikummatissanullu Aqutsisoqarfik aamma Aatsitassanik Suliassa qarfinnut Avatangiisinut Aqutsisoqarfik pillugit aalajangersakkat atorunnaarsinneqarnerat).

(Inuutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

Uunga siunnersuut: aatsitassanut tunngasunik suliaqarneq pillugu Inatsisartut inatsisaata allanngortinneqarnera pillugu Inatsisartut inatsisaat (Aatsitassanut Ikummatissanullu Aqutsisoqarfik aamma Aatsitassanik Suliassa qarfinnut Avatangiisinut Aqutsisoqarfik pillugit aalajangersakkat atorunnaarsinneqarnerat, kiisalu kukkusumik innersuussinerup naqqinneqarnera).

(Inuutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

Siumut inatsisissatut siunnersuutinut, imm. 23-imut aamma 24-imut, ima naatsumik oqaaseqaateqassaaq.

Naalakkersuisut inatsisissatut siunnersuuteqarnerminni anguniarpaat, aatsitassat assigisaallu pillugit allaffissornikkut aqutsineq nutarterneqassasoq pisariillisarneqassasorlu. Siunnersuut akuerineqassappat, Naalakkersuisut naatsorsuutigaat allaffissornikkut oqilisaasoqassasoq, aamma suliassat qanoq aaqqissuunneqarnissaanik Naalakkersuisut pisariinnerusumik aaqqissuussisinnaangussasut.

Tamatumunnga tunngatillugu, soorunami Siumup aalajangiusimavaa naatsorsuutigalugulu, ataatsimiititaliaq susassaartoq suliassa qarfiup ineriartorneranut qanimut malinnaatinneqassasoq.



Siumup paasinninnera naapertorlugu, suliniutit tamakku nunatsinni pisuussutivut pillugit namminersuutiginerullugit ingerlatsisoqalersinnaassaaq. Pineqarpormi oqartussaaffik ataaseq ataqatigiissaarinermigut pisariillisarneqassasoq aamma suliasat sukkanerusumik naammassineqarsinnaanngussasut. Ilutigisaanik ammasumik ingerlatsinissaq namminersortunullu – suliniuteqartunut – ingalasimanissat qulakkeersimaneqassapput.

Avatangiisinut pinngortitamullu naliliinerit sulii arlaannaannulluunniit soqutigisaqarani ingerlanneqartassapput, aamma ilisimatusarnikkut ilisimasat tunngavigineqartassapput. Ilutigisaanik maalaaruteqarsinnaaneq pisariillisarneqassaaq.

Siumup taperserpaa, suliarinninnerit ineriartortitsinerullu nunatsinni ingerlanneqartassasut, taamaaliornikkut naleqarnerulersitsineq pisinnaassammat aamma nunatsinni ilisimasanik qaffassaasoqarsinnaassammat. Allanguutillu sapinngisamik alloriartarnikkut ineriartortinneqassapput, aamma uagut nukissaqarnerput qissimigaarlugu.

Siumumiit Naalakkersuisut inatsisissatut siunnersuutai taperserpavut, isumaqaratta namminiussuseqarnitsinnut, avatangiisitsinnut aamma ullutsinnut naleqquttumik aqutsinissamut iluaqutaassasut.

Taamak oqaaseqarluta siunnersuutit Inuussutissarsiornermut Aatsitassanullu Ataatsimiititaliamut ingerlateqqippavut.

Lars Poulsen

Siumut